



■有「黃絲」網民以為便利店收銀員打錯單會影響《蘋果》收益，「扮正義」要求對方改單。
Debby Chan fb截圖

笨黃絲唔識「回紙」屈七仔打壓《蘋果》

為咗博同情，成班攞炒派不斷渲染所謂「政治打壓」，更做埋啲小動作嚟加強「說服力」。有「黃絲」就嘅網上散播謠言，話係便利店「7·11」（七仔）買《蘋果》，收銀員會自動打單做另一份日報個名，結果佢「親身」實測仲話「證實」係假，講到有「勢力」嘅度故意搽低《蘋果》嘅銷量咁，同時將收據影上facebook提醒大家一定要留意七仔員工嘅打單，結果被網民嘲笑唔識背後機制同搞着七仔員工，又批評佢哋連買份報紙都要搞批鬥，係搵着啲打工仔噏噃。

自從警方日前以涉嫌勾結外國或者境外勢力危害國家安全罪拘捕壹傳媒集團創辦人黎智英，同搜查《蘋果日報》編輯部後，一群平時唔買報紙，甚至連《蘋果》網上版都可能有訂閱嘅「黃絲」就忽然「文青化」，落街買份《蘋果》然後影相擺上社交媒體嘅Like。不過，所謂「爆賣」只係攞炒派大手掃貨再免費派造成嘅假象。《蘋果》印數由當日55萬大減到嘅日16萬份，成街都仲剩返一疊疊，就知只係人為虛火。

冇得再渲染「市民支持賣到斷市」，攞炒派就轉移視線，搞吓「被迫害」嘅把戲囉！網民「Debby Chan」就係「黃絲」fb群组「西環變幻時」發帖，話有人喺七仔買《蘋果》，結果張單顯示咗另一份報紙，但於是喺嗰日去七仔買《蘋果》時，真係見到收銀機貨品欄顯示咗另一份報紙個名，於是即刻叫收銀員改單，仲自以為是好似發現新大陸咁post上fb「提醒」大家。

報社收益不變 原兼職：用腦啦

唔少喺七仔做過兼職嘅網民就唔唔住為收銀員「平反」。自稱喺七仔做咗7年嘅「HY lam」就話：「報社係有回紙機制，各報社會委託車隊收返報紙檔同便利店前一日賣唔晒報紙，根據回紙數向分銷商退返訂紙時畀嘅錢，所以便利店收銀員點打單都唔影響報社最終收益，而且報紙檔都有收銀機啦，唔通佢將賣晒《蘋果》咁錢畀晒另一間報社咩？講之前用個腦諗吓好難？」

「Kax Yum」就呼籲要體諒吓「黃絲」嘅「苦衷」：「依（嘅）家黃絲既（嘅）精神狀態唔太健康，有種被迫妄想（症），社會邊有咁多玩針對，至緊要喺嗰聲做晒d嘢（嘢）收工，你估收銀（員）好得咩？邊做嘢（嘢）仲要點點迫害「黃絲」」

「KK Tsang」就叫班「黃絲」體諒吓員工：「如果麵包舖全部麵包都賣5蚊，你買波蘿包但收銀員打咗雞尾包，你會否會煩住佢叫佢改？個個好似你咁咁咁七仔員工成日喺度改單唔洗（使）做啦！到時排長龍你又話人打單得慢！」

「Cecilia Chau」就非常火滾：「買份報紙都要批鬥？其實7仔屬於怡和集團旗下嘅牛奶公司，即係你班「黃絲」話要杯葛嘅「藍店」，鍾意得咁咁清楚就咪去7仔買嘢！最好繳費同八達通增值都咪鬼去噃呀！」

「黃絲」咁小器被人鬧完點會甘心？一堆網民向《蘋果》發短訊，獲《蘋果》回覆話：「已向管理團隊反映情況，目前正向7-Eleven方面了解及跟進，謝謝告知」

■香港文匯報記者 雨航

《蘋果》拆分廣告 疑製抗爭假象

「連儂牆」一版40個位 果粉疑買股輸死畀Like就算

警方日前以涉嫌違反香港國安法及串謀詐騙等罪拘捕壹傳媒集團創辦人黎智英，其後幾日為製造「抗爭」假象，《蘋果日報》（《蘋果》）等攞炒派可謂用盡渾身解數，靠着將黎智英被捕包裝成「打壓」新聞自由，先是涉嫌哄抬股價，之後營造報紙斷市假象，昨日又刊登數十頁所謂讀者撰寫的「蘋果連儂牆」及「黃店」廣告。不過，現實卻是股票暴跌、報紙滯銷、廣告即使拆分賤賣，亦因諸多無署名「古怪」廣告、「告急黃店」仲有錢賣廣告等而被人質疑真實性。香港文匯報記者發現，做壹傳媒「支持者」的成本在幾日內迅速從「買股票」、「買報紙」淪落到只需「畀個like」，花樣百出的「策略」，並沒有獲得其預想的效果，反而更顯示攞炒派所作所為都是夜行人吹口哨。

■香港文匯報記者 鄭治祖



■《蘋果》昨日以聲稱由讀者親撰的支持說話為頭版，唯至昨日下午仍滯銷。

黎智英被捕後，壹傳媒動靜不斷。先是「以「抗爭」為由煽動「黃絲」買股票，然後股票市值立即蒸發，事發後黎智英才「後知後覺」地「勸喻」大家不要買壹傳媒股票，令人質疑事有蹊蹺；黎智英被捕翌日，《蘋果》趁勢將印刷數由平日的7萬份加印至55萬份，雖然他們吹噓「報紙一掃而光」，但網上就有視頻顯示，有人免費派發《蘋果》也無人問津，之後即印刷量不斷回落，真實展現出《蘋果》的銷情。

疑壓縮成本 小黃店充大頭

事實上，壹傳媒集團已連蝕5年，根據其截至今年3月底的業績報告，《蘋果》期內的日均銷量，按年減少13.4%，年度內的廣告收益亦按年減少31.6%。黎智英曾在4月22日發布告急短片，聲稱由於廣告封殺，及網上版訂閱人數在一年間由80萬下降至不足60萬，令《蘋果》經營非常困難，他亦墊支了5.5億元，呼籲市民支持訂閱，但其後4個月仍毫無起色。

見狀，為繼續為反中亂港勢力造勢，並抓緊翻身機會，壹傳媒又想出招。昨日，《蘋果》不僅在A2版面刻意放大美國關注黎智英被捕的新聞，更於約30頁版面刊登「廣告」，更有將整版拆分為約40份，設計成所謂「連儂牆」樣式，招收所謂「小廣告」，被懷疑是有意降低投廣告的成本。

儘管如此，其中諸多「廣告」真實性成疑，包括充斥大量無名無姓，或只以「香港兒女」、「一香港市民」、「我們都是蘋果」、「熱愛自由的香港人」等為「署名」的所謂「廣告」。

同時，呼籲讀者讀好其facebook等專頁的「黃店」「新嘉美茶餐廳」及「A Yellow Object」等所謂「廣告商」，facebook專頁的獲讚數都寥寥無幾，加之亦有人在連登為其宣傳，如此浩大的宣傳盛世下，惟截至昨晚截稿前，香港文匯報記者翻查發現，「新嘉美茶餐廳」就僅有2,589個讚，「A Yellow Object」就有2,729個讚，被《蘋果》營造出的所謂「抗爭熱情」和「高支持度」之真實性亦都令人質疑。



■有「連登」網民發現，《蘋果》日前刊登的廣告，來自其曾獨家報道踢爆經營手法的不良組織。fb截圖

老千變廣告客戶 「蘋」賤賣報格原則

《蘋果日報》為斂財，可以將道德底線降到幾低？睇怕條線已經經嚟形！因經營不善令旗下刊物不斷縮水嘅壹傳媒集團創辦人黎智英，早前告急呼籲讀者資助，成功引嚟一班唔介意燒錢嘅「黃營」公司落廣告支持，但有心水清嘅網民發現，前日嘅《蘋果》登咗一版廣告嘅香港中小型業主會，就曾經被《蘋果》質疑係教人借貸炒滙豐同割房，結果搞到人血本無歸嘅組織，令「黃絲」網民不禁慨嘆，經常聲稱捍衛新聞自由同道嘅《蘋果》，原來最重要都係「在商言商」，為咗錢不惜幫自己踢爆過嘅無良組織宣傳。

昔「獨家踢爆」今「在商言商」

滙豐控股（0005）今年4月1日公布停派第四季股息，至今年底前亦不會派息及回購，其股價受消息拖累大挫。大批受影響散戶組成聯盟抗議。其中，香港中小型業主會創辦人呂宇健（Ken Sir）牽頭成立「滙豐小股權權益大聯盟」，但有業主會中人報料界《蘋果》，話Ken Sir以所謂「loop loop loop大法」借私貸及銀行透支額度投資高息滙豐，點知滙控煞停派息令到呢個「loop」（循環）中斷，惹起學員不滿，所以向Ken Sir施壓，要求佢成立聯盟抗議並追討損失。

《蘋果》就喺4月7日刊登題為《【獨家】踢爆滙豐維權組織真面目 割房「業主會」教人借私貸炒熾滙豐》嘅報道，引述報料人話Ken Sir開班教人借大筆私貸買滙豐股票，點知當時滙控股價大跌又唔派息，令「學生」「輪到好甘」云云。

事隔短短4個月，走到窮途末路嘅黎智英已經唔介意落廣告嘅客人咁來歷，只要有錢就乜都肯。網民「閉月羞花落雁」就喺網上討論區「連登」發帖幫大家重溫：「呢班人就係之前《蘋果》爆教人滙豐收息班×街……呢班×街絕對唔係『同路人』，佢哋只係一班老千，同傳銷冇分別。」

「正一泛登仔」就話：「好傷心，估唔到《蘋果》會接呢單廣告，選我新聞道德「ohmyhollyfood」就要求大家「集氣」：「要搵多啲真「黃絲」撐《蘋果》先得，如果唔係要硬食呢啲廣告。」

■香港文匯報記者 鄭治祖



「光榮冰室」於葵芳的分店「光榮美食」近日結業。水門雞泰式海南雞飯專門店5天。葵沙咀166號星期一至正式開張試業是日只有雞與牛腩，加餐雞蛋飯每碗\$6.9，野飲雞收銀短短心情，可能有齊停打。#一碌碌……查看更多

門黃食店頻收檔 支持者互片卸責

居嘅「人血龍門」，靠「抗爭光環」同「人血饅頭」而財源滾滾，可惜始終逃唔過被「鬥黃」同排擠嘅命運。「渣哥一九九六」、「光榮冰室」同「水門雞泰式海南雞飯專門店」早前一齊揭露「人血龍門」食物質素差而且極唔衛生，又踢爆老闆張俊傑剝削員工、欺詐「手足」嘅實況，「渣哥」仲指咗10萬元畀所謂「612人道支援基金」，成功擊沉長期位於「黃營」食店龍頭地位嘅「人血龍門」。

網民：嘔返保就業嗰筆出嚟

不過，佢哋千萬萬算都估唔到，張俊傑上周貼出一張證明佢喺今年1月已捐咗50萬元畀「手足」嘅入數紙，話自己真係忍唔住咁嘅幾間「鬥黃店」成日唱衰，仲話一直唔影收據係唔想吹噓自己同被警方搵到「罪證」，但敝家真係忍無可忍，仲聲稱自己仲有成疊入數收據，可以「鬥黃」鬥到底。

呢個post成功令大批「黃絲」唾棄「渣哥」、「光榮」同「水門雞」，而且可能「鬥黃」成本太高，「光榮」喺葵芳嘅分店前日正式關門大吉，但就推諉執笠係因政府「抗疫不力」所致。「渣哥」亦喺facebook宣布，藉口話「兩位服務多年的年過姐姐相繼罹患重病」，所以「有點心灰」，決定明年月底銅鑼灣總店將不再營業，但嚟緊會再開分店，噶日仲學人搞「公投」，唔了解行情，都仲以為佢哋幾受「歡迎」㗎。

網民「漢堡fans」就貼咗個笑到見牙唔見眼嘅表情：「你哋都有今日。」「范加尔」就提醒：「執還執，保就業果（啲）一半記得要還返出黎（嚟）」「紅磡黎明」質問：「執笠有冇炒手足呀？出嚟講兩句呀。」「Heheheheee」就話：「抵死！批鬥龍門！下次唔好再「鬥黃」啦」

有支持者就火滾衝出嚟「護航」，「通街都係處」即刻扮公道回應話：「黃店執笠點都係可惜

既（嘅）事，你哋唔使分化」、「光榮執笠而落井下石抽水就係分化。」「吳泚默（迷摩）」就反問：「當日佢哋批鬥龍門你有冇咁同佢哋講？人龍門開始用心整嘢食，你班×街嗰度冷嘲熱諷又唔係分化？」「風吹名無」就認為：「先撩者賤，×唔×我都唔會食，渣狗班×樣快×啲執×佢收×」

水門雞貼粗口趕客標語

眼見「渣哥」同「光榮」齊齊有舖頭執笠，「水門雞」上周就逆市開店，仲喺尖沙咀新店嘅牆度印住「食快×啲 我要翻櫃」，不過仲未開門營業，反響就好差。「Sukmit Gurung」就覺得「水門雞」太寸：「食得慢都得罪你，咪做飲食啦好嗎？飲食唔係淨係一盤生意。」「Jamie tang」就話：「可能光榮同渣哥唔啱你對啲客寸，所以佢哋要執笠㗎！」「手作達人」吳斯翹（Billie Ng）都好奇，話：「（唔知）咁人咁喜歡貼錢人×。」

■香港文匯報記者 鄭治祖